

**17 февраля 2026. Попразд. Сретения Господня.  
Преподобного Исидора Пелусиотского**

**Вечерня (приходская)**

**Стихиры на «Господи, воззвах»**

**Канонарх:** Глас 4, Гóсподи, воззва́х к Тебе́, услы́ши мя.

**Лик:** Гóсподи, воззва́х к Тебе́, услы́ши мя./ Услы́ши мя, Гóсподи./ Гóсподи, воззва́х к Тебе́, услы́ши мя:/ вонми́ гласу моле́ния моего́,/ внегда́ воззва́ти ми к Тебе́.// Услы́ши мя, Гóсподи.

Да испра́вится моли́тва моя́,/ я́ко кади́ло пред Тобо́ю,/ воздея́ние руку́ мое́ю/ же́ртва вече́рняя. // Услы́ши мя, Гóсподи.

**попразднства Сретения Господня на 3**

**На 6, стих:** А́ще беззако́ния на́зриши, Гóсподи, Гóсподи, кто постои́т? / Я́ко у Тебе́ очище́ние есть.

Зако́н, и́же в Писа́нии,/ исполня́я, Человеколю́бец/ в це́рковь ны́не прино́сится,/ и Сего́ прие́млет ста́рыми рука́ми Симео́н ста́рец,—/ ны́не отпуща́еши мя,— вопия́,—/ ко о́ному блаже́нству,/ ви́дех бо Тя днесь, плóтию ме́ртвенною обложе́наго,/ живото́м господа́ствующа// и сме́ртию влады́честву́юща.

**Стих:** И́мене ра́ди Твоего́ потерпе́х Тя, Гóсподи, потерпе́ душа́ моя́ в сло́во Твое́, /

упова́ душа́ моя́ на Го́спода.

17 февраля 2026. Попразд. Сретения Господня. Прп. Исидора

Свет во откровѣние языков/ явился еси, Господи,/ на обла-  
це седя легце,/ Солнце Правды,/ закона сеновное исполняя,  
Симеон взываше:/ из истления мя разреши,// яко видех Тя  
днесь.

**На 4, стих:** От стражи утренния до нощи, от стражи утренния, /  
да уповает Израиль на Господа.

Недр Родителя не отлучься Божеством,/ воплощься, якоже  
изволил еси,/ объятими держим Приснодевы,/ на руки по-  
дался еси Богоприимца Симеона/ рукою Твоею держай  
всяческая,/ темже ныне отпускаеши мя,/ радостно взываше,/  
в мире раба Твоего,// яко видех Тя, Владыко.

прп. Исидора Пелусиотского на 3, глас 4

**Стих:** Яко у Господа милость, и многое у Него избавление, /  
и Той избавит Израиля от всех беззаконий его.

Видения и деяньми к Богу возвышаяся,/ житие, всеумдре,  
совершил еси,/ видения восхождение деяние водрузив,/ и  
умдре желаемых возлюбил еси последнее,/ егоже быв же-  
лания внутрь,/ удостоился еси блаженного ныне конца// и  
трисолнечнаго сияния.

**На 2, стих:** Хвалите Господа вси языцы, /  
похвалите Его вси людие.

Наводнением благодати/ и одожденьми словес твоих/ напо-  
яеши вся Богомудрыя,/ к горнейшей мудрости чаши уста  
твоя положи,/ яко от источника богато ты почерпл еси/ и  
раздал еси всюду лучи учений,// посылая, и уча, и наказуя  
досточудне.

**Стих:** Яко утвердѣся мѣлость Егѡ на нас, /  
и истина Господня пребывает во вѣк.

Воздержанием мудрование плѡтское умертвил еси, / в живо-  
носную мѣртвость одеявся, / и, душевное устройство / разши-  
рив, преподобне, яве, / вместительное дарований Духа со-  
вершил еси, / и приятелище был еси Богодохновенных  
учений // и премудрости сущия паче ума пребывание.

**Слава и ныне, глас 2:** Слава Отцу, и Сыну, и Святому Духу.

И ныне, и присно, и во веки веков. Аминь.

Днесь Симеон на руки Господа славы подымлет, / Егѡже  
под мраком पहले Моисей виде, / на горе Синайстей скри-  
жали дающая ему. / Сей есть, Иже во пророцех глаголяй и за-  
кона Творец. / Сей есть, Егѡже Давид возвещает, Иже всем  
страшный, // имеяй велию и богатую мѣлость.

### Стихиры на стиховне

Вторник сырной седмицы на 3

**Канонарх:** Глас 8, Постом очиститися потщимся.

Постом очиститися потщимся, / от скверны прегрешений  
наших, / и мѣлостью и человеколюбием к нищим, / внити в  
чертог Жениха Христа, // подающего нам велию мѣлость.

**Стих:** К Тебе возведох очи мой живущему на небеси, се яко очи раб  
в руку господий своих, яко очи рабыни в руку госпожи своея, тако  
очи наши ко Господу Богу нашему. /

**Лик:** дондеже ущедрит ны.

Постом очиститися потщимся, / от скверны прегрешений  
наших, / и мѣлостью и человеколюбием к нищим, / внити в  
чертог Жениха Христа, // подающего нам велию мѣлость.

17 февраля 2026. Попразд. Сретения Господня. Прп. Исидора

**Стих:** Помилуй нас, Господи, помилуй нас, яко по многу исполнимся уничижения: наипаче наполнися душа наша поношения гобзующих. /

**Лик:** и уничижения гордых.

Мученицы Господни, / молитесь Бога нашего, / и испросите душам нашим множество щедрот, // и очищение многих прегрешений, молимся.

**Слава и ныне, глас 2:** Слава Отцу, и Сыну, и Святому Духу.

и ныне, и присно, и во веки веков. Аминь.

Священнаго Священная Дева принесё во святилище святителю, / простёр же рuce, Симеон прият Сего, радуясь, и возопи: / ныне отпускаеши раба Твоего, Владыко, // по глаголу Твоему, с миром, Господи.

### Тропари

Тропарь прп. Исидора Пелусиотского, глас 8.

В тебе, отче, известно спасёся еже по образу: / приим бо крест, последовал еси Христу / и, дёя, учил еси презирати убо плоть, преходит бо / прилежати же о души, вещи бессмертней: // темже и со Ангелы срадуется, преподобне Исидоре, дух твой.

Слава Отцу и Сыну и Святому Духу, и ныне и присно и во веки веков. Аминь.

Тропарь Сретения, глас 1

Радуйся, Благодатная Богородице Дево, / из Тебе бо возсия Солнце Правды, Христос, Бог наш, / просвещаяй сущия во тьме. / Веселися и ты, старче праведный, / приемый во объ-

17 февраля 2026. Попразд. Сретения Господня. Прп. Исидора

**я́тия Свободи́теля душ на́ших, // да́рующего нам воскре-  
се́ние.**